

UMS pupuk kesedaran pemuliharaan penyu

UB 23.11.2023 P.06

Laksana program pendidikan di Pulau Bohey Dulang, Semporna

SEMPORNA: Menyedari penyu antara haiwan marin yang tergolong dalam spesies terancam, Universiti Malaysia Sabah (UMS) terus menggiatkan pelbagai usaha agar haiwan berkenaan tidak dicanam kepupusan.

Terbaru, UMS membawa sejumlah 20 pelajar sekolah rendah dan sekolah menengah berserta guru iringan di sekolah sekitar daerah Semporna ke Pulau Bohey Dulang, Semporna bagi program pendidikan berkaitan penyu di pulau itu.

Antara sekolah yang terlibat adalah SK Bangau-Bangau, SK Kg. Simunul, SMK Kabogan II, dan SMK Datuk Panglima Abdullah.

Rombongan UMS yang diketuai oleh Naib Canselor UMS, Prof. Datuk Dr. Kasim Hj. Mansor serta rombongan

pelajar sekolah telah diberi penerangan ringkas oleh pegawai dari Taman-Taman Sabah berkaitan proses kehidupan dari anak penyu hingga penyu dewasa.

Sesuai pengkongsian itu turut mengupas berkaitan fakta-fakta am berkaitan penyu, serta kepentingan usaha memulihara penyu dan habitat marin yang menjadi tanggungjawab semua pihak.

Dalam pada itu, Kasim dalam kunjungannya ke pulau berkenaan memaklumkan UMS sentiasa menyokong sebarang usaha terhadap memupuk kesedaran berkaitan kepentingan penjagaan alam sekitar, kepelbagaian spesies haiwan serta habitatnya.

"Melihat kepada keindahan khazanah alam yang terdapat di Pulau Bohey Dulang ini, saya percaya pulau

ini berpotensi untuk menjadi tarikan pelancong melalui aktiviti pengembaraan dan pendidikan.

"UMS juga amat gembira dapat membawa sekumpulan pelajar sekolah rendah dan menengah ke pulau ini bagi menambah pengetahuan mereka berkaitan kepelbagaian biodiversiti khususnya haiwan penyu," katanya.

Kasim turut berpesan kepada peserta agar terus belajar bersungguh-sungguh dan menanam minat terhadap mata pelajaran berkaitan sains agar mampu menjadi generasi yang meneruskan legasi tanggungjawab terhadap pemuliharaan haiwan dan alam sekitar.

Pada program itu, Kasim turut menyempurnakan perasmian Projek Kelestarian Penyu Dan Edu-Tourism



PERKONGSIAN ILMU: Kasim bersama-sama rombongan pelajar sekolah di daerah Semporna.



PENYU: Kasim menyempurnakan cara pelepasan anak-anak penyu di laut.



RASMI: Kasim marasmikan Projek Kelestarian Penyu Dan Edu-Tourism UMS dan Taman-Taman Sabah.

UMS dan Taman-Taman Sabah, serta acara pelepasan anak-anak penyu di laut.

Hadir sama Timbalan Pengarah (Pentadbiran, Ke-

wangan, Penyelidikan & Inovasi) Taman-Taman Sabah, Rimi Regin dan Profesor di Fakulti Sains Sosial Dan Kemanusiaan (PSSK)

UMS, Prof. Dr. Ismail Ali yang juga merupakan Ketua Projek Kelestarian Anak-anak Penyu di Pulau Bohey Dulang, Semporna.